





EX SCIENTIA
SPES
IULIUS S. HELD



These figures & scenes were
designed by Ant. Wallaerts
& first engraved on wood by
Jegher. Antwerp - C. Moons, 1647
after on copper by A. Adriaens.

First ed. known to me in 1800.
This is 10 years earlier.

to
by
ed. 1847
H. 6.


PI

J

IN

qu

F



Apr

Conj

PERPETVA CRUX
SIVE
PASSIO
JESU CHRISTI
A PUNCTO
INCARNATIONIS
ad extremum vitæ;
quadragenis explicata iconibus.

Auctore

R. P. JYDOCO ANDRIES è Societ. Iesv.



COLONIÆ,

Apud CONSTANTINUM MÜNICH.
ANNO M.DC.L.

Consensu Superiorum, & Privilegio S. C. Majest.

INTERNA, ET EXTERNA,
à puncto Incarnationis ad extremum vitæ.



Numeri mortales arbitrantur
CHRISTVM Supremo duntax-
at vitæ suæ diē tormenta per-
pessum esse, ac tribus horis in
Cruce suffixum; cū nihilo-
minus totis triginta tribus
annis, id est, ut minimum per dies duodecim
mille & quinquaginta tres fuerit passus, & per
horas ducenties octogesses novies mille, ducentas, &
septuaginta octo, quasi PERPETUA suspensus in
CRUCE.

Illud nos docet *Eminentissimus S. R. E. Cardinalis* Joannes de Lugo, ex sacrarum litterarum, Patrumque doctrinâ. CHRISTVS non solum, inquit (a) tempore Passionis, sed toto vitæ tempore passus est, & tristitiam habuit. Non solum, videlicet doluit, in morte Lazari, in quo lacrymatus est, sicut èt quando vidit civitatem Hierusalem, & flevit super illam; sed in toto vitæ tempore, in quo habuit semper præ oculis hominum peccata, & Passionem suam; juxta illud Psalmi 37: Quoniam ego in flagella partus sum, & dolor meus in conspectu meo semper

Quod

Quod de CHRISTO intelligunt *Chrysostomus, Augustinus, Hieronymus, & Gregorius*: ut omittam copiosam aliam segetem passionum, quas per totam vitam habuit; juxta illud *Psalmi 87: Pauper sum ego, & in laboribus à juventute mea*; quod de CHRISTO etiam intelligunt *Hieronymus, Augustinus, Euthymius, & alii*. Ita *Ioannes de Lugo*.

Eidem rei planè consentit *Eminentiss. S. R. E. Cardinalis Robertus Bellarminus*, qui sic super eodem *Psalmo 87*. loquitur confidenter:

Ne putarent homines CHRISTI Passionem trium horarum, aut unius diei tantum fuisse, revelat hìc nobis Spiritus Sanctus CHRISTUM in diebus carnis suæ numquam sine Passione vixisse. Nam præter calicem mortis amarissimæ, quam semper ante oculos mentis habuit, in omni ætate suâ in laboribus & ærumnis fuit. Sic *Bellarminus*.

Hinc intelligimus CHRISTUM tam internam, quàm externam Crucem perpetuò tolerasse; & nominatim internam, geminâ de causâ, prout disertis verbis asserit præfatus *de Lugo*.

A 2

PER;

PERPETVA CRUX
INTERNA CHRISTI,

partim

causata à nostris peccatis;

partim

ab ipsius suppliciis.

Prima Causa

*expenditur ratiocinatione R. P. Leonardi Lessii,
olim in Universitate Lovaniensi S. Theologia
Professoris, de Perfe&. Divin. lib. 12. cap. 17.
n. 133.*

Ratio dolendi Domino, *inquit*, potissimum fuit duplex. Prior, injuria divinæ Majestati per peccatum irrogata. Altera, damnum humano generi inde proveniēs. Cernebat ille perspicue, & in particulari peccata omnia, & quanta singulis infinitæ illi bonitati, & Majestati fieret injuria, quanta contumelia, quanta contemptio. Cernebat etiam, quantum malum sit æterna damnatio, quam totum genus nostrum sibi per peccatum arcessierat.

Hinc dolor excitabatur acerrimus. Magnitudo enim doloris, seu tristitiæ sequitur magnitudinem mali, & perfectionem cognitionis, quâ malum illud apprehenditur. Atque hîc malum erat maximum: tum in ratione culpæ,

culpæ; (erat enim pelagus quoddam peccatorum , & abyssus malitiæ contra divinum Numen) tum in ratione pœnæ : quæ enim maior calamitas, & afflictio fingi potest, quàm sit æterna damnatio? Apprehensio etiam perfectissima. Multo enim exactiùs, & clariùs singula considerabat, & ponderabat, quàm ulla creatura posset: Itaque oportuit èt ipsum dolorem maximū. ~; ut qui magnitudini mali, & perfectioni apprehensionis responderit.

Vnde non dubitaverim affirmare, hunc dolorem sufficientissimum fuisse, ad vitam Domino millies eripiendam, si vim suam in corpus exercere permissus fuisset. Quod enim magnitudo doloris animi, seu mœstitiæ vitam intercipere & hominem occidere possit, multis exemplis constat. *Hac omitto.*

At dolor, quo Dominus noster de peccatis nostris doluit, longè major fuit, & intensione, & æstimatione, quàm ullus dolor, qui in hominem cadere possit. Sed dispensatione factum est, ne vis ejus in corpus se proferret, nisi quando, & quantum Domino videretur.

Fuit hic dolor continuus ab initio conceptionis usque ad finem vitæ, sicut èt apprehensio peccatorum. Quamvis non semper æquè in appetitum inferiorem, & corpus permissus sit redundare; sed interdum plus, interdum minùs, prout occasiones exteriores, & tempus, & locus postulabant. Maximè

autem illi laxatæ habenæ in horto, quando sudorem sanguineum expressit, & reliquo Passio-
dis tempore.

Eadem Causa

*expenditur ratiocinatione S. Matris Theresæ
(cujus Cœlestis Doctrinæ pabulo nutrir
orat Ecclesia) in Castello animæ, Mansione
5. cap. 2.*

TOrmentum, ait, quale Dominum no-
strum sensisse, & quàm amaram vitam
duxisse, cùm omnia ei essent præsentia, &
enormes quæ in Patrem suum committeban-
tur offensæ, semper ante oculos haberet, & idē-
tidem videret, existimandum est? Ipsa mihi
persuadeo, & propè certa sum, multò majora,
& atrociora hæc tormenta fuisse, quàm quæ in
sacratissima sua Passione pertulit.

Et infrà.

Tam continuò tot in illius Majestatem in-
jurias, & offensas committi, & tot animas,
velut agmine facto, in tartarum prolabi vi-
dere; id ego quidem, tam durum, & digestu
difficile existimo, ut (nisi plusquam homo fu-
isset) unum talis tormenti diem satis futurum
fuisse credam, ad mille vitas, *quantò potius
unam?* conficiendas.

Altera Causa

CRUCIS internæ PERPETUÆ, ob proprios
cruciatus,

*consideratur ab Eminentissimo S. R. E. Cardinali
Roberto Bellarmino, de Gemitu Columbæ,
l. 2. c. 3.*

TOta, inquit, CHRISTI vita Perpetua Pas-
sio, & ^{perpetua} Crucis dici potuit. Siquidem
ab ipsa conceptionis hora cognovit sibi
Crucem esse paratam; & semper eam ante ocu-
los sic habuit, ut verè dici possit toto vitæ suæ
tempore in Cruce pependisse.

Idem ibidem.

Quoniam Dominus noster toto vitæ suæ
tempore Crucem suam, & tormenta singula, &
eorum acerbiter certissimè noverat, in eo
sine dubitatione ullâ, summum gradum acer-
bitatis, & vehementiæ habuerunt.

Ergò, Anima Christiana, (*sic infert idem
Auctor*) ex hac tam continua Crucis bajula-
tione, collige Dominum tuum, nullam quie-
tis horam habuisse; sed assiduò dies & no-
ctes in salute tuâ operandâ occupatum fuisse.
Et poteris sine lacrymis cogitare, te salutis tuæ
oblitam, multas sæpè horas in confabula-
tione, vel ludis otiosè consumpsisse; *ne di-
cam in erubescendis flagitiis, nimis ab ! tibi, sed
Deo magis cognitis.*

Eadem Causa

consideratur à R. P. Joanne Eusebio Nierēbergio, in Regia Academia Madritensi sacrarum litterarum Professore, l. 2. c. 5. de Adoratione in spiritu & veritate.

DEbent nos commovere, *inquit*, quæ passus est per totam vitam in uno membro, sanctissimo suo Corde: cujus dolor immensus fuit, à primo instanti suæ conceptionis, & duravit quamdiu vixit.

Non minor afflictio latuit in corde IESV ab illo instanti, quam habuit in Horto, cum sudavit sanguinem per omnia membra. Quem admodum illic ex vivida apprehensione dolorum, & cruciatuum Passionis suæ, insolito, & terribili modo afflictus fuit; sic etiam æquè intensè apprehendit eosdem dolores in utero amantissimæ Matris. Cognitio enim CHRISTI non fuit imperfecta, eo maxime tempore, quo negotium nostræ redemptionis acceptavit, & proposita ei fuit, sine ulla dissimulatione, omnis difficultas toleranda, & vincenda.

Continuatus deinde fuit ille mœtor per omnem vitam. Nisi divinâ dispensatione adjutus fuisset, illo ipso instanti quo cœpit vivere, mortuus fuisset præ doloris magnitudine. Ideo maximum, & continuum miraculum fuit vita IESV.

Exclama cum eodem Auctore: O si confide-

fiderarem hæc opera tua, Domine, quomodò expaverem! Utinam fieret cor meum tamquam cera liquefcens! Ponam ut signaculum super cor meum, illud Cor mœftum amantiffi IESV, quod perpetuò crucifixum fuit. Sic in memoria habebò, & tabefcet in me anima mea.

Varii Scriptores a vi noſtri ſubſcribunt huic doctrina de interna perpetua Cruce.

PRæter Eminentiffimos S. R. E. Cardinales Bellarminum & de Lugo; præter Leſſium & Nierembergium locis ſuprà citatis, plures ſunt alii; qui in eandem ivère ſententiam,

Ioannes Lorinus, *Pſal.* 37. v. 18.

Cornelius à Lapide, *Matth.* 26. v. 37.

Balthaſar Corderius, *Pſalm.* 87. v. 16.

Antonius de Gaudier, *de natura & ſtatibus perfect. de instrument. ſect.* 12. cap. 5.

Franciſcus Arias, *de Imitatione IESV CHRISTI, parte 3 cap. 22. Tract.* 1.

Ioannes Baptiſta Sainct-Iure, *de cognitione & amore Dei, lib.* 1. cap. 11. ſect. 1.

Gabriel Vaſquez, *Tom.* 1. in 3. p. q. 18. art. 6. *Diſp.* 73. cap. 4. n. 28.

Admodum R. P. Vincentius Carrafa Generalis Societatis IESV, ſub nomine *Aloſij Siderei, de via cali, cap.* 6. §. 9.

Hi duodecim Scriptores è ſolâ Societate

IESV adducti sunt, prætermisissis aliorum Ordinum aliis, qui eidem sententiæ suffragantur. Ita in Julio anni superioris valdè eruditum, piùmque Tractatum de PERPETVA CRUCE Bruxellis edidit Rever. & Eximius P. F. Thomas Leonardi, è Divi Dominici familia S. Theologiæ Doctor. Is deinde Libellus post paulò in Gallicum idioma translatus est, à R. P. F. M. Tramu, ejusdem Ordinis S. Theologiæ Doctore.

Porrò sub manibus jam est ejusdem Typographi (qui hæc 40. Iconas variâ linguâ imprimit) augmentum *Præludii de Perpetua Cruce IESV CHRISTI, à puncto Incarnationis ad extremum vitæ*, Bruxellis etiam vulgati, paulò ante prædictum Tractatum, subnexâ admodum singulari, atque efficaci commendatione Illustrissimi Archiepiscopi Mechliniensis, 22. Martij 1648.

CHRISTVS

*præter internam externas varias Cruces omni
vita sustinuit,*

Primò (ô rem omni admiratione majorè!) cùm in forma Dei esset, semetipsum exinanivit, formam servi accipiens, (a) in cæque perseverans. Hæc Crux illi, videlicet Maximæ Majestati, gravior accidisse censenda est, quàm Pontifici Maximo, aut Cæsareæ Majestati pro suis

(a) Philip. 2.

suis subditis perpetuum mancipium, imò bestiam fieri, ac permanere.

Secundò, potuisset quantocyùs, teste *Chrysostomo, Theophylacto, Oecumenio*, gloriam ac beatitudinem animæ suæ in corpus derivare, prout fecit in monte Thabor; verùm nostri amore per continuum miraculum, sese per omnem vitam tantâ felicitate privavit, *habitu inventus ut homo*, (a) similis nobis mortalis, atque passibilis.

Tertiò, tametsi mortalis fuisset, nihilominus fas illi erat, in omni rerum opulentia, atque imperio vivere, instar *Salomonis* alicujus, & ita salutem præbere universis. (b) *Malluit ille præ omnibus divitiis, omnem eligere paupertatem: Vulpes foras habent, & volucres cæli nidos; filius autem hominis non habet ubi caput reclinet.* (c) Deinde loco perennis imperii, perpetuò subiectus ac subditus fuit, sive parentibus, sive Judaicæ legi duræ, atque servili: *Humiliavit semetipsum, factus obediens usque ad mortem.* (d)

Quartò, sustinuit *Perpetuam Crucem*; quia totâ vitâ *Crux* una *Cruci* alteri, catenatâ serie successit, ut patebit ex quadraginta iconibus, quæ hîc subsequuntur.

A 6

Brevi

(a) *Ibidem.*(b) *Rupert. ad Hebr. 12.* (c) *Matth. 8.*(d) *Philip. 2.*

*Brevis Methodus piè, utilitérque utendi hisce
Iconibus.*

1. **A** Latere tuo lævo titulum lege, & sub-
scriptionem imaginis, & spatio *Pater &
Ave* perpende, CHRISTVM ab æterno
desiderâsse, illud in tempore tui amore to-
lerare.

2. A dexterâ parte reflecte ad convenien-
tiam typi, atque prototypi, eâdem temporis
morâ.

3. Ex Dei amore subjectam precationem
attentus evolue, téque offer, ut isto die pro
CHRISTO aliquid patiaris, aut agas.

Prolixior Methodus.

Pondera in quoque Mystério unâm, plu-
rêve ex sequentibus circumstantiis.

1. *Quis patitur?* Deus infinitæ Maje-
statis.

2. *Quid patitur?* quod valdè molestum est,
præsertim accedente internâ CRUCE PERPE-
TVA, & admodum gravi.

3. *Pro quo?* pro me vilissimo peccatore.

4. *Quare?* pro meo solatio, ope, salute.

5. *Quo loco?* ubi patientiæ, aut alterius virtu-
tis major occasio.

6. *Quo tempore?* ipsi incommodo, mihi sa-
lutari.

7. *A quibus?* ab iis, qui luctum augent.

8. *Quo-*

8. *Quomodo* ? tam cordato affectu , ut omni momento paratissimus fuerit centies millies amplius pro me pati. Has circumstantias in externa CHRISTI Passione eleganter expendit *Sidronius de Hoffche* Societatis IESV.

Quis patitur ? rerum Dominus , de Numine Numen.

Quid patitur ? lacero corpore mille neces. *Pro quibus* ? ingrata pro turbâ , & gente rebell.

Cur ? nos carnifices seruet ut ipse suos.

Quis locus ? infamis pœnis , & morte nocentum.

Quando ? cùm poterant facta probare Deum. *A quibus* ? à notis, & a vito sanguine junctis.

Quomodo ? non servans ullum in amore modum.

Sed tu duo insuper quære , si placet. *Quid hætenus rependi* ? vix aliquid boni ; imò plurimum mali pro bonis innumeris.

Quid rependam in posterum ? hodie hoc N. agam, & illud N. patiar, amore Amatoris mei.

Consultum quoque adjungere aliquem ex septem affectibus, quos mystici Doctores passim adferunt.

1. Commiserationis. 2. Gratiarum actionis. 3. Contritionis. 4. Admirationis. 5. Amoris. 6. Fiduciæ. 7. Imitationis; quos idem *Sidronius* sic expressit, in superiori argumento.

Affectus ad CHRISTVM patientem.

1. *Commiserationis.*

Si specto siccis oculis tua Vulnera, CHRISTE;
Sum Cruce, sum clavis durior ipse tuis.

2. *Gratiarum actionis.*

Ut fuso tibi, Christe, ferā pro sanguine grates,
Nulla satis longum sæcula, tempus erunt.

3. *Contritionis.*

Pœnitet! & meritò. Lacrymis non illa pietur,
Quæ ribi, magne Deus, sanguine, culpa
stetit?

4. *Admirationis.*

Quis satis hoc capiat, pro me per vulnera
mille,
Et potuisse Deum, nec dubitasse mori?

5. *Amoris.*

Me pete, Amor, telis in Christi sanguine tin-
ctis:
Quem læsi toties, sic ego læsus amem.

6. *Fiducia.*

Spes fugit, ante oculos mea dum mihi crimina
pono;
Cum tua respicio, Vulnera, Christe, redit.

7. *Imitationis.*

Christe, mihi Dux es: quæ belli præmia spe-
rem,
Si quā Dux ieris, non ego miles eam?

O ama-

O amator IESV perpetuò pro te Crucifixi,
en quanta opportunitas honoris , & amoris
ejus propagandi, non modò in familia tua, sed
in Carceribus, Nosocomiis, Cœnobiis, in Na-
vibus, Scholis pauperum, Oppidis: denique in-
ter Dominos Pastores, Confessarios, Cate-
chistas, &c.



1. Ab æterno CRUX electa.



In misericordiâ sempiterna miser-
tus sum tui; dixit Redemptor
tuus Dominus. *Isaie 54. v. 8,*

TYPVS. AGNVS.

Qui occisus est ab origine mundi. Apocal. 13. v. 8.

P R O T O T Y P O N.

*Ab æterno se promptum exhibuit Servator noster,
ut in tempore pro nobis in Cruce moreretur.*

P R E C A T I O.

A Deóne ab æterno dilexisti me , ô nimia
Charitas , ô Deus totius consolationis?
Potuisses me cum apostatis Angelis sup-
plicio damnare perpetuo : & ecce non tantum
pepercisti mihi, verum etiam decrevisti pro me
homo fieri, & in omni inopiâ vivere, & cum
omni opprobrio mori.

O bonitas! ô benignitas! Vtinam ab æter-
no fuisset, & te ab æterno amare potuissem!
Vtinam nunc saltem amem te ; sed amem ex
toto corde , amem ex tota anima , amem ex
omnibus viribus meis !

Sed qui fieri potest, ut divellere queam
amorem meum ab eo, qui cum tam diu proca-
tus ac meritis est , & è contrario eundem
spontè offerre juratis hostibus illius & meis, id
est, concupiscentiis vel his, N. vel illis N? Absint
à me insaniæ istæ falsæ, ô Deus cordis mei, &
pars mea Deus in æternum ! Amen.

Ab

2. Ab Incarnatione Crux interna.



Ingrediens mundum, dicit : Hostiam & oblationem noluisti; corpus autem aptâsti mihi.
Heb. 10. v. 5.

TYPVS. SAMSON.

Erit puer Nazareus Dei, ab infantia sua, & ex utero matris sue, usque ad diem mortis sue. Iudic. 13. v. 5.

P R O T O T Y P O N.

A primo ad supremum vitæ diem, loco veterum victimarum, CHRISTVS nova fuit oblatio.

P R E C A T I O.

A Primo conceptionis tuæ momento ad ultimum vitæ suspirium, ut amoris aduersum me tui incendium, ita et patiendi pro me desiderium, inflammari cœptum est.

Jam tum quæsisti, cupisti, anhelasti, ô amabilis Deus, holocaustum tuum, Patri cœlesti, pro peccatrice hac anima mea, in Ara CRVCIS offerre.

Serò te cognovi, ô Amor immense, serò te cognovi! O bonitas infinita, quare non aliter hætenus te amavi? Modò, modò, & reliquis diebus vitæ meæ ardenter exopto, amore tui solius ardere. Ah! non ita deviæ à recto, ut declinem cor meum, ad hanc N. vel illam N. rem creatam, ubi Creator meus inclinat cœlos, & fit homo. Nec hoc tantùm; sed factus homo, pro me homine miserrimo, singulis momentis paratus est mori. Amen.

3. A Natiuitate CRUX externa.



Parvulus natus est nobis. Factus
 est principatus super humerum
 ejus. *Isai. 9. v. 6.*

TYPVS, MOYSES INFANS.

Sumpsit fiscellam scirpeam, & linivit eam bitumine: posuitque intus infantulum, & exposuit eum in correcto ripæ fluminis, Exodi 2. v. 3.

P R O T O T Y P O N.

Christus arumnis expositus, natus in stabulo, fasciis involutus, in præsepio reclinatus.

P R E C A T I O.

O Amantissime IESV, potuisses omni honore affici, immensis opibus abundare, perpetuâ affluere voluptate; & ecce meæ salutis causâ, dedecus pro honore, inopiam pro opibus, pro voluptate molestias elegisti.

Quid sentis, aut censes, ô anima mea, super hoc? Anne hæc proba electio? Sapientia Patris æterni, sciens reprobare malum & eligere bonum, ita sensit, ita censuit, ita fecit. Quid tu facies? O Deus meus, ô lux vera, illumina tenebras meas, ut intimè perspiciam vanitatem honoris, pericula divitiarum, turpitudinem voluptatum; utque hac veritate perspectâ, paratus sim tecum eadem repudiare, aut saltèm iisdem non frui, sed uti, & quidem, prout par est, admodum temperatè. Amen.

4. Circumcisio.



Consummati sunt dies octo , ut
circumcideretur puer. *Luca 2.*
vers. 21.

TYPVS. SEPHORÆ FILIUS.

Tulit Sephora acutissimam petram, & circumcidit filium suum, & ait marito; Sponsus sanguinum tu mihi es. Exodi 4. v. 25.

PROTYPON.

Offiduo à nativitate suâ circumcisisus est parvulus IESVS.

PRECATIO.

DEus eras, parvule IESV, & eras innocens filius Virginis innocentis; unde nec opus tibi circumcissione. Voluisti interea inuri stigmati peccatoris, & subjici legi. Eja Domine, circumcide cogitationes, verba, opera servi tui; ut nihil cogitem, loquar, agam, quod tuis sanctis legibus, aut tuæ sanctissimæ sit contrarium voluntati. Quin-imò sint omnia cogitata mentis meæ, de te, vel propter te; omnia verba oris mei, de mandatis tuis; omnia opera manuum mearum, ad faciendas justificationes tuas.

Ecce tibi, Domine, cor meum; labia mea; manus meæ in obsequium tuum. Verum ex indole suâ dissoluta, & incircumcisa, tu viribus gratiæ tuæ colliga, & circumcide pro arbitrio tuo & salute meâ. Id obsecro, Domine, per nomen Salvatoris, quod nunc primi sanguinis pretio comparâsti. Amen.



Tulerunt eum in Hierusalem, ut
offerrent eum Domino. *Luc. 2.*
v. 22.

Add.

TYPUS. SAMUEL.

Adduxit eum ad domum Domini in Silo. Puer autem erat adhuc infantulus ; & immolaverunt vitulum, & obtulerunt puerum Heli. 1. Reg. 1. v. 24. & 25.

P R O T O T Y P O N.

Infans JESUS per manus parentum suorum in templo oblatus est.

P R E C A T I O.

O Pacis Princeps, natus orbe pacato, introiens Hierusalem pacis urbem, offerens pacis victimam, in hoc primo in Templum pacifici Salomonis ingressu, nonne ætam, nonne paciferam appreciationem cum dignissimâ Matre expectabis? Audi quisquis es, & obstupece.

Benedixit illis Simeon, & dixit ad Mariam matrem ejus: Ecce positus est hic in ruinam, & in resurrectionem multorum in Israël, & in signum cui contradicetur ; & tuam ipsius animam pertransibit gladius.

O quam à paucis ista benedictio & cœli favor intelligitur ! Ut ut est, me & quidquid meum est libens offero ad nutum omnia benedicerantis Dei, optoque eamdem benedictionem, quam impetravit benedicta inter mulieres, & benedictus fructus ventris ejus JESUS. Amen.

6. Fuga in Ægyptum.



Surge, & accipe Puerum, & Matrem ejus, & fuge in Ægyptum.
Matth. 2. v. 13.

Descendi

TYPUS. ABRAM.

*Descendit Abram in Ægyptum, ut peregrinaretur
ibi, Gen. 12. v. 10.*

P R O T O T Y P O N.

*Ut subduceret se gladio furentis Herodæ, Joseph
cum matre, ejusque filiolo secessit in Ægyptum.*

P R E C A T I O.

Puer parve, Deus magne, cœlesti extorris
patriâ, in humili Nazareth, in utero pau-
perculæ Virginis delituisti: numquid non
sat durum tibi illud exilium? Coactus fuisti in
Bethleem, vilis stabuli angulum à bestiis mu-
tuari: numquid non sat asperum èt illud exili-
um? Eheu! Ut cruentam rabiem Regis sævien-
tis evaderes, Judææ commodis, amicorumque
solatio pro me abdicatis novus exul effectus
es.

Domine JESU, per hunc persecutoris gladiū,
per omnia hujus fugæ, viarum, & soli peregrini
incommoda te vehementer obtestor, ut mihi
masculum robur addas; quo universas huma-
næ vitæ difficultates, tædia, molestias, pericula,
ærumnas tolerem patienter, imò èt libenter;
ut tandem transacto hoc exilio, in tuâ meâque
te patriâ valeam intueri in omnes æternitates.
Amen.

7. Amissio pueri duodennis.



Ecce pater tuus & ego dolentes
quærebamus te. *LUC. 2. v. 48.*

Capitulum

TYPUS. TOBIAS JUNIOR.

*Cœperunt ambo simul flere , eò quòd die statuto
minimè reverteretur filius eorum ad eos. Tob.*

10. v. 3.

P R O T O T Y P O N .

*Admodum sollicitè fuit quasitus à parentibus puer
duodennis, dum esset amissus.*

P R E C A T I O .

O Sapiens puer , & generose, pluris æsti-
mâsti cœlestis imperium Patris, quàm
terrenæ lacrymas matris , licèt earum
consciùs esses, teneréque sentires : ut me doce-
res omnem humanum exuere affectum, etiam
adversus maximè propinquos, cùm sic placi-
tum Deo est; tametsi illud, non sine meo sensu,
ac dolore contingeret.

Verùm quid de me fiet, ô amabilis Domine,
cùm te, non citra culpam, quemadmodum pa-
rentes tui, sed nocens amiserò? Meliora opto &
volo: si tamen id piaculi eveniret, rogo suppli-
citer, per innocentiam parentum tuorum, ut te
amissum ardentè desiderem; desiderando stu-
diosè quæram; quærendo feliciter inveniam;
inveniendò impensè amem; amando vigilan-
ter conservem ; servando numquam ampliùs
perdam. Amen.

8. Labor fabrilis.



Nónne hic est faber Filius Mariæ?
Marci 6. v. 3.

TYPUS, JACOB.

*Per viginti annos in domo tua servivi tibi. Gen;
31. v. 41.*

P R O T O T Y P O N.

Christus anni multis vulgaris instar opificis, fabrilibus muniis, & domesticis functionibus operam impendit.

P R E C A T I O.

O Regia, & Divina Majestas, siccine tuæ infinitæ dignitatis oblita, usque eò te abjecisti, ut tibi victum & amictum servilibus operibus, & labore manuum comparares?

O magni Dominatores Europæ, Asiæ, Africæ, intuemini magnum illum Architectum cœlorum atque terrarum, ex alieno præscripto ligna componere, aptare, metiri, ferram reciprocare, totum mechanicum esse. Obstupescite cœli super hoc, & vos terræ admiramini vehementer.

O si tam beatus essem, ut probè intelligerem, atque intimè caperem, quàm salubre sit, ignotum atque despectum sæculo vivere, sedulòque conari soli Deo notum esse, & ab eo æstimari! O vana studia, & inanes cogitationes meæ! Da mihi, Domine, ut te imitari valeam, tibi soli & tecum laborare; & erit hæc merces mea magna nimis. Amen.

9. Mors S. Iosephi.



Adfuit morienti JESUS & MA-
 RIA, teste Bernard. Senens. Tom.
 3. A. 2. C. 3. p. 462.

Mor-

TYPUS. JOSEPH.

Mortuus est: & conditus aromatibus, repositus est in loculo, in Ægypto. Gen. 47. v. 25.

P R O T O T Y P O N.

Ut Patriarcha Joseph in cōspectu fratrum suorum, quos aluerat, vitā finctus est; ita S. Josephus, presentibus JESU & MARIA, quos suo labore nutrierat.

P R E C A T I O.

OCHRISTE Medicorum supreme, ecce quem amas infirmatur, & infirmatur ad mortem; tantum dic verbo, & repentē sanabitur.

Sed respondes, necdum advenisse tempus illud, quo miracula perpetres, juxta arcanum tui Patris decretum, quod aves perfectissimē exequi, tametsi divulsionem hanc, unā cum charissima matre tua, sentias vehementer.

Voluntas Dei unicum vobis solatium est; quod ut idem mihi obtingat, in omni rerum occurso, submissē flagito. Nihil potest esse securius, arque felicius, quā ubique, etiam si sensus abhorreat, divinis consiliis, & voluntari acquiescere. Da mihi istam gratiam, Domine: simul et hanc, ut JESU, MARIA, JOSEPHO presentibus, aut certē faventibus, moriar. Amen.

PERPETUA CRUX
10. Tentatio Diaboli.



Accedens tentator dixit ei: Si Filius Dei es, dic ut lapides isti panes fiant. *Mat. 4. v. 3.*

TYPUS. JOB.

Dixit ergo Dominus ad Satan: Ecce in manu tua est. Job 2.v.6.

P R O T O T Y P O N.

Ductus est Dominus à Spiritu in desertum, ut tentaretur à Diabolo.

P R E C A T I O.

CHRISTUS Leo de tribu Juda, sub pedibus stravit rugientem leonem, infernum leonem, juratum animarum nostrarum hostem. Jam tum usque modò illum catenis strinxit aëneis, ut nulli nocere possit nisi volenti. Juba quidem erigere, dentibus terrere, ungues explicare, oculis micare, rugitum edere potest; vim facere, mordere, vulnerare nequit invitum.

Interea cum nemo unus, siue immaturæ siue maturæ ætatis, aut hujus aut illius statûs aut sexûs, accessum, insidias, terribilia istius possit evadere; indue me, fortissime Deus Israël, virtute ex alto, ut ad extremum vitæ in hac arena victor existam, ac tandem inter gratulabundos mihi Angelos, in regnum tuum victrici lauro coronatus admittar. Amen.

II. Fatigatio ad fontem.



JESUS ergò fatigatus ex itinere, sedebat sic supra fontem. *JOAN. 4. vers. 6.*

*Pauxillum aquâ mihi ad bibendum prabe de hy-
driâ tuâ, Gen. 24. v. 17.*

P R O T O T Y P O N .

*Christus defatigatus , aliquid aqua ad bibendum
petit à muliere Samaritanâ.*

P R E C A T I O .

TECUM foràs evolo, te sequor, ô magne, ô
divine venator animarum , qui non ob-
stante lassitudine inféqueris hanc lupam
suo antro egressam, & circa puteum hærentem
artificiosâ cingis indagine, donec irretias.

Doceme, & omnes mecum, vestigare ejus-
modi belluas, id est, quærere vagas, sylvestres,
perditas animas, & feliciter in casses tuos sive
precibus allicere, sive armatâ eloquentiâ coge-
re, sive quacumque aliâ ope, operâque compelle-
re intrare.

Sed quis mihi dabit, ut insatiabili ardore, &
indefessâ curâ insudem isti operi, adeò tibi ac-
cepto, ut id propter cælum lubens deserueris,
quò posses in hisce spelæis, correctis, latebris
terrarum errantes feras indagare. Venisti enim
quærere, & salvum facere quod perierat. Da
mihi hoc ipsum quærere, & tecum salvare. A-
men.



Nónne bene dicimus nos ; quia
Samaritanus es tu , & Dæmo-
nium habes? *Joan. 8. v. 48.*

TYPUS. ELISEUS.

Illudebant ei dicentes: ascende calve, ascende calve. 4. Reg. 2. v. 23.

P R O T O T Y P O N.

Contumeliosis verbis CHRISTUS impetitur.

P R E C A T I O.

Vitam ab omni labe, ac reprehensione immunem duxisti, mi Domine, populúmque sanâ sanctâque doctrinâ instituísti; & ecce velut Samaritanus tradúceris, & indignus qui cum Judæis agas; imò notaris tamquam malo possessus à Dæmone. Interim imperturbatè, atque pacificè illis respondes.

Ubi jam nos? qui nec unum duriusculum verbum, nutum, oculúmve aversum, nedum graves contumelias ferre valemus, aut volumus? Et tamen in agendo, & loquendo sæpe numeriò culpandi sumus?

O mitissime mortalium Christe, per suavitatem & benignitatem tuam te obsecro, ut mihi, & universis hominibus spiritum tuæ mansuetudinis largiri digneris. Amen.



Decollavit eum in carcere, & attulit caput ejus in disco, & dedit illud puellæ. *Marc. 6. v. 28.*

TYPUS, JOSIAS.

*Universus Juda & Hierusalem luxerunt eam. 2.**Paral. 35 v. 24.*

P R O T O T Y P O N.

*Iniquâ cade plebitur innocens præcursor Servato-
ris, meritò flebilis omnibus bonis.*

P R E C A T I O.

Indignissima hæc fuit crudelitas, quæ homi-
nem sacrum, hominem sanctum profanis ac
sacrilegis manibus, ad votum sacratriculæ
alicujus, tempore convivii è medio sustulit.

Infausta hæc & tristia nuntia de cæde præ-
cursoris, & consanguinei tui, ad te sunt perla-
ta, ô CHRISTE JESU, simul prænuntia tuæ ama-
rissimæ mortis. Siquidem scriptum est; illum
oportet minui, te autem crescere; id est, minue-
tur ille capite, tu verò attollêris in crucem.

Suffice mihi vires, benignissime Domine, ut
adversa omnia, sive quæ mihi, sive quæ cognat-
is, & amicis meis obventura sunt, pro salute
meâ æquanimiter tolerem. Amen.

14. Lapidatio.



Sustulerunt ergò lapides Judæi,
ut lapidarent eum. Jo^{an}. 10. v. 32.

*Semei maledicebat, mittebatque lapides contra Da-
vid. 2. Reg. 16. v. 6.*

P R O T O T Y P O N,

*Judai prater rationem indignabundi, CHRISTUM
lapidibus impetere properant.*

P R E C A T I O.

VAh ingrati Judæi ! propter quod opus
Messiam vestrum lapidare decernitis? An
quia cæcis vestris visum, surdis auditum,
claudis gressum restituit? An quia leprosos
mundavit, ægros perſanavit, obsessos à Dz-
monibus liberavit, mortuos suscitavit?

Jam verò quid miri est, si in illis, quibus fa-
miliariter & amicè usus, & de quibus quando-
que bene meritus sum, ingrati animi nonnulla
argumenta comperiam? Si aversionem pro be-
nignitate, si malevolentiam pro beneficentia, si
amaritudinem pro suavitate, si odium pro di-
lectione recipiam? Desidero, Domine, tuâ fre-
tus gratiâ, videre & ferre ingratos animos, qui
mihi reddant mala pro præstitis bonis. Amen.



Ejecerunt illum extra civitatem,
& duxerunt illum usque ad su-
percilium montis; ut præcipi-
tarent eum. *LUC. 4. v. 29.*

Appre-

TYPUS. JEREMIAS.

Apprehenderunt eum sacerdotes & Propheta, & omnis populus, dicens: Morte moriatur, Jerem. 26.v.8.

P R O T O T Y P O N.

Judai quasi impetu facto, irruerunt in CHRISTUM, ut eum è medio tollerent.

P R E C A T I O.

Fons & origo vitæ ad mortem rapitur; & temerarii homines eum de monte præcipientem dare satagunt, qui eisdem momento unico posset in flammis præcipitare perpetuas.

Insensati, furentem sistite impetum, neque debitum tempus præoccupate. Veniet dies illa, quâ spontè diversos tendet ad mōtes: ad montem Thabor; ut divinitatem manifestet: ad montem Oliveti; ut pro vobis aquam fudet & sanguinem: ad montem Calvariæ; ut pro vobis in Crucem agatur.

O clemens Domine, per illam injuriam, quæ hic infanti infertur, idemtidem rogo, ne permittas nos in peccatorum & damnationis præcipitium ferri; sed duc nos in montem Sion ælestis Jerusalem. Amen.



Seorsum colloquens cum ea , &
copiam ei suæ præsentia præ-
bens, quam in brevi subtrahu-
rus erat ab ea. *ita S. Bonavent. c.*
72. Medit. vite Christi.

Suum unigenitum Isaac in montem Moria ad sacrificium tendentem, dolens à se dimittit. Nam conjicia fuit necis futura, juxta Augustinum de Tempore, Serm. 73. Tom. 10. Gen. 22. v. 3.

P R O T O T Y P O N.

Christus amantissima Matri valedicit, priusquam se accingat, ut mortem oppetat in monte Calvaria.

Precatio, & Deiparæ Valedictio.

Siccine abis, Dilecte mi, ô gaudium meum, ô amor meus, ô vita mea, siccine abis? O dura divulsio! O si possim pro te, aut saltèm tecum mori! Quòd si id fieri nequeat, sed dividi sit necesse, da mihi ad genua tua provolutæ supremam benedictionem, & osculum, fili mi, & eò proficiscere, quò Pater vocat.

Si tanto pretio tibi emendæ sunt mortalium animæ, fiat tua & voluntas ejus. Manebo ego interim superstes mater, non jam mater, sed flentis & orbæ infelix simulacrum. Ira divinitus decretum est; ita fiat. Si non potest fieri ut transeat calix iste; non mea, sed tua voluntas fiat.

O Mater dolorum, ô fili Bennoni! date omnibus qui amant vos, & hujus tristitiæ meminerunt in suo ab hac vita discessu, lætitiā sempiternam. Amen.



Edentibus illis dixit: Amen dico
vobis, quia unus vestrûm me
traditurus est. *Matt. 26. v. 21.*

Tollat

Tollat unusquisque agnum per familias, & domos suas. Exodi 12. v. 3.

P R O T O T Y P O N.

CHRISTUS *verus Agnus se apposuit edendum in ultima coena, etiam suo proditori.*

P R E C A T I O.

DEsiderio desiderasti, Domine, hoc Pascha manducare cum Apostolis, eisque vitale epulum apparare, vitæ præludium sempiternæ. Interim cum jam bene-auspicatum illud tempus advênit, ex intimo corde suspirans ac gemens quæreris: *Amen dico vobis, quia unus vestrum me traditurus est.* Quid tandem est causæ?

Judas filius perditionis, tanti est causa mœroris, qui prodicionem animo coquit, & proferculo vitæ, mortis pabulum est suscepturus.

Absit equidem à me, procul absit nimia ista perversitas, ut animo inquinato, ac pollutâ conscientîâ, velut proditor, Eucharisticam mensam accedam, téque, ô suprema bonitas, lethaliter offendam, atque contristem. Pius mihi contingat millies mori! Amen.

Amen

estrum

r. 26. v. 3.



Pater, si vis, trāsfer calicem istum
à me : verumtamen non mea
voluntas, sed tua fiat. Apparuit
autem illi Angelus de cœlo cō-
fortans eum. *LUC. 22. V. 42.*

Petivie

TYPUS. ELIAS.

Petivit anima sua ut moreretur, projecitque se. & obdormivit in umbra juniperi: & ecce Angelus Domini tetigit eum. 3. Reg. 19. v. 4. & 5.

P R O T O T Y P O N.

CHRISTUS humi prostratus, & usque ad mortem afflictus ab Angelo roboratur.

P R E C A T I O.

ITâne modo supra omnem modum stupendo diligis me, ô amator mi, & ego; numquam redamabo te ex toto corde meo? Gravaris & prémeris angustiis magnis, & dolore magno defles peccata mea hæc N. & illa N; & ego éadem non detestabor in-posterum? Video irati Patris armatam manum, non tantum miñari, sed in te sævire ob iniquitates meas; & ego non desistam peccatis accumulare peccata?

Hoc ipso momento execror universa delicta mea, seu magna, seu parva; & detestor memet- ipsum, & omne illud, quod quâlibet ratione ad peccandum me potuit, & potest allicere; ut te, Deus meus, unicum unicè amem. Si quid molestiæ aut difficultatis occurrat in hoc exequendo, adsit mihi Angelus meus, qui animos addat, & constanter opituletur. Amen.

19. Osculum Judæ.



Confestim accedens ad JESUM.
dixit: Ave Rabbi, & osculatus
est eum. *Matth. 26. v. 49.*

JESU CHRISTI.

33

TYPUS. AMASA.

Dixit itaque Joab ad Amasam: Salve mi frater. Et tenuit manu dexterâ mentum Amasa, quasi osculans eum. 2. Reg. 20. v. 9.

P R O T O T Y P O N.

CHRISTUM Judas amicè salutando, & osculando, inimicus tradidit.

P R E C A T I O.

O Fili hominis, omnium hominum mansuetissime, qui proditorem, qui te comprehensoribus tradit, appellas amicum, & velut amicum amplècteris, ne avertas faciem tuam amabilem à me; quia ego servus tuus sum, Domine, ego servus tuus, & filius ancillæ tuæ.

O bonitas superexcedens omnem bonitatem, hæc est indoles benignissimi cordis tui, neminem aspernari; quin-imò de pessimis hostibus mereri quàm optimè. Unde fidenter totum me conjicio in piissima brachia tua, cupidèque desidero in eorum complexu mori, priusquàm graviore aliquo crimine te offendam, rursùmque innocentem sanguinem tradam, Amen.

ad Jes.
& osculans
v. 49.



Egressus est cum discipulis suis
trans torrentem Cedron. *Joan.*
18. vers. 1.

In eundem præcipitatus est. *Vi-*
de Adrich. in descript. Hierus. n. 207.

Omnes

TYPUS. DAVID.

Omnes flebant voce magnâ, & universus populus transibat: Rex quoque transgrediebatur torrentem Cedron. 2. Reg. 15. v. 23.

PROTOTYPON.

Dominus per torrentem Cedron protractus est, quem cum Discipulis antè transierat.

PRECATIO.

O Rem verè miram! Potens ille Deus finit se crudeliter & ignominiosè trahi per insaniam hominum; & homo infirmus non permittit se suaviter, & honorificè duci per Sapientiam Numinis.

Itaque jam nunc, ô Deus meus, deduc me, quacumque placuerit viâ, promptè comitantem; & nocte, & die; & hyeme, & æstate; per uda, nuda, rigida, frigida; per prospera, per ad-versa.

Quod si sensum aut voluntatem meam contigerit obluetari, trahe illam vel invitam potenti brachio tuo ad arbitrium, & beneplacitum tuum. Siquidem indignissimum est, nolle se tradere in benignissimas manus illius, qui amore nostri se tradidit in manus sævissimas Judæorum. Da mihi hanc alacrem voluntatem Domine. Amen.

21. Annas.



Unus assistens Ministrorum dedit
alagam Jesu. Joannis 18. v. 22.

TYPUS. MICHÆAS.

Accessit Sedecias filius Chanaana, & percussit Michæam in maxillam, & dixit: Méne ergò dimisit spiritus, & locutus est tibi? 3. Reg. 22. v. 24.

P. R O T O T Y P O N.

Veridicus Servator impudenter in facie casus est.

P R E C A T I O.

Audite Reges & Principes; audite Ecclesiastici & sæculares: audite docti & Doctores, qui tanto studio honorem vestrum incolumem esse vultis; excipite lectionem, quam in hac nova schola dicat Magister noster. Non dicit odienti se, in honoranti se, percutienti se; Discede à me maledicte in ignem æternum. Neque porro tristi & amaro silentio internam coquit vindictam; sed moderatè, pacificèque respondet, paratus amplecti, imò mori pro eo, qui sibi tam fœdam, tam asperam, tam ignominiosam, tam cruentam alapani impegit.

Jesu Præceptor, aperi intellectum meum; ut hæc divina dictata capere valeam, & largire uberem gratiam, ut opere exequi possim. Amen.

22. Caiphas.



Velaverunt eum, & percutiebant
faciem ejus, & interrogabant
eum, dicentes: Prophetiza. *Luc.*

22. v. 64.

Quem

TYPUS, SAMSON.

*Quem cum apprehendissent Philisthiim, statim
eruerunt oculos ejus, & duxerunt Gazam vin-
clum catenis, & clausum in carcere molere fece-
runt. Judic. 16. v. 21.*

P R O T O T Y P O N.

*CHRISTO Judai oculos velârunt, multâque
percussione & contumeliis per noctem onerârunt.*

P R E C A T I O.

Quid agitis concubiâ nocte, filii homi-
num? & quid patitur per noctem filius
Dei? Quando vos secure dormitis, vigi-
lat ille pro vobis. Quando vos fortasse pecca-
tis, satisfacit ille pro criminibus vestris. Sub
hoc tristi oculorum suorum involucro lacry-
mis madens conspicit illud, quod ad sui doloris
augmentum à vobis agitur post cortinam.

O Angeli, qui isti spectaculo præsentes ad-
estis, ejus in mei solatium auferte velum illud à
divinissimis CHRISTI oculis; ut cum omni sub-
missione, atque fiducia queam dicere: Aspice
me, Domine Jesu, & miserere mei; illos tuos
amabiles, illos tuos misericordes oculos ad me
converte, & ignosce omnibus peccatis meis,
sive nocte, sive die patrat. Amen.



Coeperunt autem eum accusare,
 dicentes: hunc invenimus sub-
 vertentem gentem nostram.
Lucæ 23. v. 2.

TYPUS. DANIEL.

Tunc respondentes dixerunt coram Rege: Daniel de filiis captivitatis Juda, non curavit de lege tua, & de edicto quod constituisti. Daniel. 6. v. 15.

P R O T O T Y P O N.

CHRISTUS apud Praesidem Pilatum iniquè traducitur.

P R E C A T I O.

PRO tribunali Judaico, patientissime Domine, injustè infirmatus, & insons passus es. Non hoc satis: à Pontificum curia ad profanam vocaris; ut à subornatis testibus falso accusatus agaris capitis reus, qui venturus es Judex vivorum ac mortuorum.

Quidnî omni voto contendam, Domine Jesu, imitari te, tuique amore perlibenter contumelias, & falsa testimonia, aut iniqua judicia perpeti? Utinam cum Apostolo dicam, & ex animo dicam: mihi pro minimo est, ut à vobis judicer, aut ab humano die! Ab universis, per me licet, arguar atque condemner; modò absolvar ab uno te Judicem meo CHRISTO, & salvus sim. Amen.

accusatus
animas
nostras



Sprevit illum Herodes cum exercitu suo, & illudit indutum veste albâ, & remisit ad Pilatum.

Luce 23. v. 11.

JESU CHRISTI.

TYPUS. DAVID.

Ait Achis ad servos suos: Vidiſtis hominem inſanum, quare adduxiſtis eum ad me? 1.Reg.21. verſ.14.

P R O T O T Y P O N.

CHRISTUS, ipſamet Sapientia, ab Herode, demen-
tis inſtar, albâ veſte amicitur, & ad Pilatum
remittitur.

P R E C A T I O.

O Sapientia Patris, CHRISTE JESU, hîc in
amictu candido, velut inſanus haberiſ,
ſubſannariſ, illûderiſ à Judæiſ & Genti-
bus, à multis hominum millibus. In medium
iſtorum me infero, ac dignitatem tuam ego
agnosco, veneror ſapientiam, adoro Majeſta-
tem.

Pro hiſce contumeliis, iriſionibus, injuriis,
iſanîſque clamoribus, te honorent, glorificēt,
extollant omnium beatarum agmina menti-
um! Te univerſæ res creatæ eximiè laudent ac
colant: & vel in ſolo tuo nomine, ô benedi-
cte JESU, omne genu ſelectatur, cœleſtium, terreſtrium,
& infernorum!

Anhelo ut oſculer extremam oram iſtius
candidæ veſtis, cum omni ſubmiſſione, atque
intimo dolore de omnibus meiſ peccatiſ; ut
recuperem amictum niveum, & intaminatum
gratiæ Baptiſmalis. Amen.

25. Flagellatio.



Tunc ergò apprehendit Pilatus
 JESUM, & flagellavit. Joan. 19.
 vers. 1.

TYPUS. HIEREMIAS.

Irați principes contra Hieremiam, casum eum miserunt in carcerem. Hier. 37. v. 14.

P R O T O T Y P O N.

Imperio Pilati Servator tuus ad columnam vinculus atrocissimè flagellatur.

P R E C A T I O.

QUæ causa tot verberum, tot vulnerum, & sanguinis undique profluentis? O effrenis libido, ô carnis voluptas, ô fœda peccata, vos carnifices estis hujus innocentis, vos Tyranni, vos perduelles & jurati hostes Dei vestri.

Submississimè flagito, imò adjuro te, si ita loqui fas est, ô divinissime & castissime Jesu, per hæc ipsa vulnera tua, ac sanguinem redundantem, extingue in lumbis meis humorem libidinis, ut in me remaneat virtus continentiae, & castitatis.

Ah! quis me liberabit ab hac vesaniâ sensuum, & incantatione pessimâ? Quis à stimulo carnis, & ab Angelo Satanæ, qui me colaphizat? Præstet id potentissima gratia tua, JESU CHRISTE, & evincat illud infinitus in me indignissimum amor tuus, qui te pro ejusmodi peccatis tam cruentæ lanienæ subjecit. Amen.



Imponunt ei plectentes spineam
coronam, & cœperunt salutare
eum; Ave Rex Judæorum.
Marc. 15. v. 17.

TYPUS. ARIES ABRAHAMÆ.

Levavit Abraham oculos suos, viditque post tergum arietem inter vepres harentem cornibus, quem assumens obtulit holocaustum pro filio.
Gen. 22. v. 13.

● P R O T O T Y P O N.

Ingenti tormento spineum sertum, tenerrimo Christi capiti infigitur.

P R E C A T I O.

O Spinæ omni rosâ gratiores, omni adamante pretiosiores; omni diademate nobiliores, quæ sublata estis in sublimem verticem Regis Regum, Domini Dominantium, Dei Deorum! Quis me beabit tam fortunato honore, ac munere? Quis mihi tribuet, ut vos ego non tantum fronti meæ, cum Senensi Catharina, verum penitissimo cordi imprimam?

Deinceps amore tui, mi Christe, omnes curas, capitis labores aut dolores, universas molestias, pressuras, ærumnas, quacumque ex parte obvenerint, pro beneficio cœlitus misso agnoscam. Siquidem non decet sub spinoso capite membrum esse delicatum; multò minùs, iniquo animo ferre, quidquid Dominus meus mihi secum ferendum esse decrevit. Amen.

27. Ecce Homo.



Dicit eis; Ecce Homo. Clamabant
dicentes: Crucifige, crucifige
eum. *Joan. 19. v. 5.*

Percussit

TYPUS. JOB.

*Percussit Job ulcere pessimo, à planta pedis usque ad
verticem ejus. Job 1. v. 7.*

PROTOTYPON.

*CHRISTUS toto corpore lacer, exponitur innumera
multitudini, clamanti; Crucifige, Crucifige
eum.*

PRECATIO.

Ecce homo, hominis Conditor, sic in hu-
mano, imò ferino modo ab hominibus
habitus, & undique sauciatus. Tuum si-
lentium, ô dulcissime Jesu; dolore plenum,
inclamat auribus meis: ô homo, quid feci tibi,
aut in quo contristavi te? responde mihi. Co-
ronavi caput tuum in misericordia & misera-
tionibus; manus tuas implevi muneribus ac
beneficiis; corpori tuo sanitatem, animæ salu-
tem dedi: & ecce caput meum spinis pupu-
gisti; manus arundine dedecorâsti; corpus vul-
neribus, animam dolore cumulâsti; & poteris
porrò peccare, id est, clamare; Crucifige, cruci-
fige eum?

Quàm confundor, mi amantissime Deus,
hæc cogitans! Haftenus peccavi, fateor. Eja
fluite oculi, cor disrumpere, anima desice præ
dolore, & ingenti pœnitudine; quia tam ama-
bilem bonitatem, tam venerabilem Majesta-
tem toties offendi. Non amplius Domine, non
amplius! Amen.

28. Bajulatio Crucis.



Bajulans sibi Crucem , exivit in-
 eum, qui dicitur Calvariae, lo-
 cum. *Joan. 19. v. 17.*

Tulit

TYPUS. ISAAC.

Tulit quoque ligna holocausti, & imposuit super Isaac filium suum. Gen 22. v. 6.

P R O T O T Y P O N.

Crux gravis, humeris Servatoris graviter affectis injicitur.

P R E C A T I O.

O Cœlestis Pater, si Unigenitus tuus, & Deus meus tam libenter, tam alacriter trabale lignum Crucis amplexus est, ut tuo parêret imperio; quâ fronte ego exiguam Crucem, quam mihi Majestas tua dignata fuit imponere, è cervice excutiam, ac tuæ æquissimæ voluntati obluſtabor?

Subjicio me, substerno me totum ad obsequium, ac nutum tuum, Deus meus! Paratum cor meum ad agendum: paratum cor meum ad patiendum, quidquid placuerit paternæ providentiæ tuæ. Ut adoro, sic èt amo; ut colo, sic èt amplector sanctissimam voluntatem tuam, eandémque æstimò super aurum & topazium; super omnes delicias ac voluptates; super omnem honorem ac famam; super omne creatum bonum! Da mihi, in hoc sensu vivere ac mori, per virtutem ejus Crucis, in qua Unigenitus tuus, pro me mortuus est. Amen.

20. Primus lapsus sub Cruce.



In loco ad occasum vergente,
Christus in terram subsidit. *Adrichom. in descript. Jerus. n. 118.*

JESU CHRISTI.

73

TYPUS. SCALA JACOB.

Tulit de lapidibus qui jacebant, & supponens capiti suo dormivit in eodem loco, viditque in somno scalam stantem super terram. Gen. 28. v. 11.

PROTOTYPON.

Cruce est scala cœli, sub qua non dormiens, sed vigil, sed defectis viribus jacet Servator.

PRECATIO.

DUm mihi pondere naturæ, ac mole difficultatum prægravatus concidit animus, humique prosternitur; eja Domine, mihi robur adde, quo totus erigar ad cœptum iter mandatorum, ac consiliorum tuorum alacriter prosequendum.

O si numquam in posterum labar! tamen cadere si contingat, oro te Domine, per hunc primum lapsum tuum, ut ita velox exsurgam, perinde ac si numquam antea cecidissem, aut deinceps essem casurus, dicendo idemtidem; *Dixi, nunc cœpi.* Fiat id, precor mi Domine, gratiâ tuâ præveniente, comitante, & subsequente, sine quâ nihil possum. *Dixi, nunc cœpi.* Amen.

vergenti
absidit.
rus. m. 11



Mœstissimo filio mœstissima Ma-
ter occurrit. *S. Bonavent. lib.*
Medit. vitæ Christi, cap. 77. Sua-
rez Tom. 2. in 3. p. disp. 98. sect. 2.

Accin-

Typus. Virgines ad Oniam concursantes.

Accinctæ mulieres ciliciis pectus, per plateas confluebant: sed et virgines quæ conclusæ erant, procurrebant ad Oniam. 2. Machab. 3. v. i.

P R O T O T Y P O N.

Virginum Virgo domo suâ in viam publicam egressa, Filio suo miserandum in modum affecto, & afflicto obviam procedit.

P R E C A T I O.

AN meus iste Filius, an meusest, inquit Mater, & Deus meus? Deus qui sedet inter Cherubinos, hîc incedit inter latrones? Deus qui adoratur in cœlo à millibus Angelorum, hîc vilipenditur in terra à millibus hominum? Deus qui tribus digitis sustinet molem terræ, hîc velut imbecillis curvatur sub Cruce? Deus qui omnibus benedicit, hîc maledicatur ab omnibus?

Hîcne est Unigenitus meus? Illène formosus præ filiis hominum, cui jam neque species, neque decor? Illène filius hominis, qui jam vermis, & non homo, opprobrium hominum, & abjectio plebis? Illène Judex omnium, qui ab omnibus jam judicatus, & ad infamem crucem damnatus? Fluite lacrymæ, fluite, neque cessate aut die, aut nocte.

Ut hæ perennes sint lacrymæ, transfige cor meum tenerrimâ commiseratione tui, ô Mater, ô Fili! Amen.

PERPETUA CRUX
31. Simon Cyrenæus.



Invenerunt hominem Cyrenæ-
um, nomine Simonem ; hunc
angariaverunt, ut tolleret Cru-
cem ejus. *Matth. 27. v. 12.*

TYPUS. ETHAI.

In quocumque loco fueris, Domine mi rex, sive in morte, sive in vita, ibi erit servus tuus. 2. Reg. 15. vers. 21.

P R O T O T Y P O N.

Ne Christus omnino deficiat, auxiliatricem manum adhibet Cyrenæus.

P R E C A T I O.

HEi mihi! quàm anhelas, mi amantissime Jesu, quàm exhaustus es, ac propè succumbis pressus gravi Cruce, id est, meorum molesto onere peccatorum! Porro in hac tristi via, cruentis tuis passibus consignatâ, respicis ad me, ac tacitè subsidium flagitas.

Venio Domine, & alacriter venio, geminam opem præstare gestiens: unam quidem; quia te eximo meorum mole criminum, dum hæc gratiâ tuâ fretus abhorreo, detestor, ejuro: alteram verò; quia partem oneris tui fero, dum proximo meo in molestiis, afflictionibus, crucibus suis subsidio, atque solatio esse conor. Equidem tibi præstitum scio, proximo quodcumque præstitero. Itaque me illi volens ac lubens impendam, ac super-impendam. Amen.

Cyrenæus
m; hunc
leret Cr

32. Veronica.



Hæc Matrona' sanguinolentam
Christi faciem sindone suâ ex-
pressit; ut passim notum. *Adri-
chom. in descript. Jerus. n. 118.*

Tuni-

TYPUS. TUNICA JOSEPH CRUENTA.

Tunica filii mei est. fera pessima comedit eum, bestia devoravit Joseph. Gen. 37. v. 33.

PROTOTYPON.

Veronica CHRISTO occurrit, cujus linteo sanguinolentum ille vultum impressit.

PRECATIO.

O Nobile linteum, ô pictura eximia, ô purpura pretiosa, ô facies divina! Propius accedo, ac stupens exclamo: hæc cæne est facies illius, de qua scriptum: Beati oculi qui vident, quæ vos videris? Olim solatium fuit hominum, lætitia Angelorum; nunc dolor est utrorumque. O mutatio!

Ah! facies sentibus obumbrata, lacrymis perpluta, sudore irrigata, sputis fœdata, verberibus livida, sanguine decolorata, pallore mortis obducta!

O Pater cœlestis, respice in suavem faciem CHRISTI tui & nostri, & per merita ejus ac copiosam redemptionem nostram, redime nos, & salvanos. Amen.

33. Secundus lapsus ad portam.



Ad portam Judiciariam iterum
cedit. *Ad richom. ibidem.*

TYPUS. DUX AMASA.

Amasa conspersus sanguine jacebat in media via.

2. Reg. 20. v. 12.

P R O T O T Y P O N.

*Denuo subsidit humi Servator, cruentâ sub
Cruc.*

P R E C A T I O.

TAnti ponderis est peccatum, ut eo onusti robustissimi Angeli dehiscantibus cœlis in barathrum sint depressi; Core, Dathan, & Abiron, hiatu terræ sint absorpti; Jonas aperientibus sese aquis sit involutus; & hîc potens ille mundi Opifex videtur subsidere sub intolerabili mole ingentium iniquitatum nostrarum.

Ecce cœlum, terra, mare, Deus ipse testatur, quanti sint momenti, ponderisque peccata: ecquando tandem intellectum adhibebo vel fidem; ut illorum pondus agnoscam, & agnoscendo detestans, non amplius in illa collabar? O fac mecum hanc misericordiam, ô Deus misericordiarum! Amen.

34. Filiae Jerusalem flentes,



Filiae Jerusalem, nolite flere super
me; sed super vos ipsas flete, &
super filios vestros. *LUC. 23. v. 28*

Typus. Super Josiâ mulierum planctus.

Omnes cantatores, atque cantatrices usque in presentem diem, lamentationes super Josiam replicant. 2. Paral. 35. v. 25.

PROTOTYPON.

Israëlitides filia immensâ commiseratione tacta luctuosam CHRISTI sortem deplorant.

PRECATIO.

Non desideras, Domine, ut doleam super dolore tuo ; sed super potissimâ causâ doloris tui, hoc est, ut de sceleribus meis intimè miser.

Quis igitur mihi dabit aquas , imò quis omnes venas, arterias, nervos, ossa, membra universâ corporis mei vertet in Oceanum lacrymarum? ut plangam in amarissima amaritudine animæ, omnes iniquitates quas commisi, sive cogitationibus, sive verbis, sive operibus, per annos jam decem, viginti, triginta, & quod excedit?

Hei mihi! Cur ego bonitatem illam, inexhaustam Dei bonitatem, sic N. & sic N. & toties offendi? quæ me amavit, & ita amavit, ut morte suâ mihi vitam emerit, qui meritis fui, & sæpius meritis interitum sempiternum? Auge, Domine, profluvium harum lacrymarum! Amen.

Here super
us flete, &
Mc. 23. v. 28

35. Ultimus lapsus.



Ad montem Calvariæ sub Cruce
prosternitur. *Adrichom. in de-*
script. Jerus. n. 118.

Sacerdotes ante altare cum stolis Sacerdotalibus inflaverunt se. Jam verò qui videbat summi Sacerdotis vultum, mente vulnerabatur. 2. Machab. 3. v. 15. & 16.

PROTOTYPON,

Ad Calvaria montis ascensum postremò cadit.

PRECATIO.

O Sacerdos magne, JESU CHRISTE, qui ad crepidinem montis hujus, velut ad pedem altaris tui prostratus jaces, in quo Patri oblaturus es *hostiã puram, hostiam sanctam, hostiam immaculatam*, pro hominibus impuris, profanis, inquinatis; mihi quoque peccatori de multitudine miserationum tuarum, & Sacrificii hujus partem aliquam largiri digneris.

Porro per hanc nimiam animi tui demissionem enixissimè postulo; ut quories ego aliique ad venerabilem Aram tuam, & sacrosanctum Missæ Sacrificium accedimus, toties in spiritu humilitatis, & animo contrito à te suscipiamur, & omni benedictione cœlesti repleamur. Amen.

36. Extractio vestis, & fellis oblatio.



Hic tunica illius extracta. *Adrich.
ibid.*

Dederunt ei bibere vinum cum
felle mixtum. *Matth. 27v. 34.*

TYPUS. JEREMIAS.

*Factus sum in derisum omni populo. Replevit me
amaritudinibus, inebriavit me absynthio.
Thren. 3. v. 14. & 15.*

PROTOTYPON:

Ei vestis extrahitur, & loco solatii felle potatur.

PRECATIO.

Furibus atque latronibus ad extremum
supplicium damnatis, ex insitâ hominibus
commiseratione, aliquid generosioris po-
tûs aut vini solet offerri. Eheu! tantillum solatii
tuo subtrahitur Redemptori, cui in gravissimâ
corporis, animique ærumnâ, ad ludibrium si-
mul ac cruciatum, fel propinatur.

O Christiani, pro isto innocente ita defati-
gato, ita saucio, ita prorsus exhausto emendi-
co, propter amorem DEI, pauxillum aquæ;
sed aquæ ex oculo manantis, ex corde de-
promptæ.

O lacrymæ, ubi jam estis? Ah! quoties pro
rebus nihili curritis expeditæ; & nunc mora-
mini? O Domine, adaperi cataractas cordis
mei; fluant lacrymæ, fluant; sive commiseratio-
nis, super innumeris suppliciis tuis; sive pœni-
tudinis, super innumeris peccatis meis. Amen.

37. Hami crucifixio.



Postquam venerunt in locum,
qui dicitur Calvaria, ibi cruci-
fixerunt eum. *LUC. 23. v. 33.*



in locum
ibi cruci-
v. 33.

JESU CHRISTI.

89

TYPUS. SAMSON.

Si septem crines capitis mei cum licio plexueris, & clavum his circumligatum terra fixeris, infirmus ero. Judic. 16. v. 13.

PROTOTYPON.

Indignissime CHRISTUS humi projicitur, & immani tormento super Cruce extenditur, & clavis affigitur.

PRECATIO.

O Anima mea, dixisti sæpius, ubi est Dilectus meus, ubi CHRISTUS meus? Num quem diligit anima mea, vidistis? Adestum, modò conspiciendus est loco patenti, atque spectabili; videndus in Calvariae jugo; ibi cubat in meridie; nusquam aufugiet clavis firmatus.

Dicam jam liberè, invèni quem diligit anima mea; tenebo, nec dimittam eum, donec benedixerit mihi; id est, inflammata, se imitandi, mihi dederit voluntatem. Jam dedit. Siquidem modò paratus sum, oculos, aures, linguam, manus, pedes, cor ipsius sanctis mandatis, imperiòque subdicere. Quin-imò illius incensus amore, paratus sum omnium pedibus substerni, ab omnibus sperni, rideri, conculcari. Quid in super? Gratiâ tuâ juvante, mi Christe, paratus sum ut reus haberi, omnium minimus esse, in paupertate, fame, siti, calore, gelu, ærum: sis tecum vivere, & tecum in Cruce mori. Ame l.

38. Suspendium in Cruce.



Stabat juxta Crucem JESU, Mater
ejus. *Joan. 19. v. 25.*

JESU CHRISTI.

91

TYPUS. SERPENS MOSAICUS.

Fecit Moyses serpentem aneum, & posuit eum pro signo, quem cum percussi aspicerent, sanabantur. Num. 21. v. 9.

P R O T O T Y P O N.

Vulneratus pendet in ligno, benedictus filius Dei, velut maledictus, ut omnium vulneribus medeatur.

P R E C A T I O.

O Peccatrix anima, quid rependis tuo Redemptori, qui pro te tot contumeliis fuit affectus; tot doloribus pressus; tantum sanguinis fudit? Dominus tuus & Deus tuus suspensus est in patibulo, & tu tuæ dabis operam voluptati? Ubi Christus tuus habet manus, pedesque perfossos, quid tu manibus tuis, quid pedibus agis, te ad tale vel tale consortium conferendo?

Ab sit à me, ô amabilis Domine, absit, ut pristinis peccatis & istis N. & illis N. te denuo crucifigam. Jam nunc statuo, firmiterque propono, te unum diligere, tibi uni servire ad mortem usque, qui me amasti usque ad mortem Crucis. Id fiet gratiâ tuâ comite, & patrocinio Virginis-Matris, Virginisque Discipuli, sub Cruce stantium. Amen.

39. Exceptio in sinum Matris.



E Cruce depositus, gremio materno excipitur. Etiamnum is locus ostenditur. *Adrichem. in descript. Jerus. n. 255.*

Posu-

JESU CHRISTI.

93

TYPUS. SUNAMITIS.

Posuit filium illa, super genua sua, usque ad meridiem, & mortuus est. 4. Reg. 4. v. 20.

P R O T O T Y P O N.

Filium de Cruce depositum gremio Mater excepit.

P R E C A T I O.

Quis mihi dabit, ut divinissimo illi corpori supplex, ac pronus advolvar? In *Gen.* ritu exosculor illos adorandos pedes, quos cheu! deviis viis, impiis que vestigiis læsi; osculor illas venerabiles manus, quas operum meorum malignitate transfodi; osculor hoc amabile pectus, quod sæpenumerò, pravis amoribus, desideris que offendi; benedictum os illud exosculor, quod verbis dissolutis, crebrâque intemperantiâ sauciavi; amplector sacra illa membra, quæ meo corpore profanavi.

Non obstantibus sceleribus istis meis adrêpo fidenter ad Deum meum, non jam fulmine armatum, sed undique vulneratum; & exclamô contritus ac gemens: parce mihi Domine, qui ut sanarer sauciatus es, ut viverem mortuus es! Amen.

40. Sepultura.



Posuit eum in monumento, quod
excisum de petra. *Marci 15.*
vers. 46.

TYPUS. JONAS.

Erat Jonas in ventre piscis tribus diebus, & tribus noctibus. Jonæ 2. v. 11.

P R O T O T Y P O N.

*Sepulcro CHRISTI corpus infertur, quod ibidem
biduo mansit.*

P R E C A T I O.

O Domine virtutum, te precor imperare
singulares virtutes tuæ medeantur
laribus vitiis meis; ut tua humilitas meæ
arrogantiæ; tua liberalitas meæ avaritiæ; tua
castitas meæ libidini; tua charitas meæ invidiæ;
tua mansuetudo meæ iræ; tua temperantia
meæ gulæ; tuus labor meæ desidii; universæ
virtutes tuæ, universis peccatis meis potens
remedium conferant.

Ad extremum tibi supplico, ô amator ani-
marum, ut quidquid commisi, & in quocum-
que, usque ad hoc ipsum momentum, offen-
di amabilem bonitatem, & adorabilem maje-
statem tuam, id omne digneris hoc tuo se-
pulcro inferre, & in æternum sepelire; ut in no-
vam resurgens vitam, tibi soli perpetuò vivam,
qui pro me perpetuâ in Cruce vixisti, & in
Cruce mortuus es. Amen.

96 PERPETUA CRUX JESU CHRISTI.
ALIA PRECATIO,
in gratiarum actionem, & augmentum
cultûs Perpetuæ Crucis.

OMnes homines noverint te, & ament te, Cru-
cifixæ JESU! nec plura desidero. Id oro per Cru-
cem ab æterno pro me electam, & acceptatam in In-
carnatione, Nativitate, Circumcisione, O m. . . ,
Fugâ in Ægyptum, Subtractione à parentibus, Fa-
tore, Morte Nutritii Josephi, Tentatione
diaboli, Defatigatione ad fontem, Irrisione Judæo-
rum, Decollatione Baptiste, Injuriâ lapidationis, &
Precipitationis de monte.

Id ipsum oro per quidquid passus es in Valedictio-
ne Matris, Ultimâ coenâ, cui interfuit proditor;
Horto, Osculo Judæ, Torrente Cedron, Curiâ An-
na, Caipha, Pilati, Herodis; in Flagellatione, Co-
ronatione, Expositione ad populum, Bajulatione
Crucis, Primo lapsu, Matris occursum, Cyrenao, Ve-
ronicâ, Secundo lapsu, Filiabus Hierusalem, Ultimo
lapsu, Vestis extractione cum potu fellis, Humi cru-
cifixione, Suspendio, Recubitu in sinu Matris, de-
nique Sepulturâ. Iterum iterumque oro per omnes
hasce Cruces, ut omnes homines noverint te, &
ament te, Crucifixæ JESU! nec plura desidero.
Amen.

Ad majorem gloriam Perpetuò Crucifixi JESU.

F I N I S.

U CHR
IO,
augme
ucis.

amente,
o. Id oser
ceptat
sione, O
parente.
bi, Tenu
Irisone
lapidatione

is in Valedi
erfuit prod
s, Curia Lo
latione, Co
Bajulatione
Cyrenas, Pe
m, Ulim
su, Humi tra
am Matre, do
de oro per
overint te.
plura de

Crucifixi Jesu

